

第一一九冊

方輿彙編

職方典

鎮江府部

卷一
四

古今圖書集成

中華書局影印

古今圖書集成

卷一百一十五

古今圖書集成

中華書局影印

欽定古今圖書集成方輿彙編職方典

第七百二十七卷目錄

鎮江府部彙考三

鎮江府城池考

鎮江府關梁考

職方典第七百二十七卷

鎮江府部彙考三

鎮江府城池考

木府丹徒縣附郭

通志府志合載

鎮江府城池 土城周二十六里十七步高九

尺六寸吳時爲京城孫韶嘗繕治之唐乾符中

周寶再加修築太和中觀察使王璠鑿壕深數

尺東西夾城高二丈一尺明洪武元年指揮宋

禮請於朝更築甃以磚石周九里十三步高二

丈六尺萬曆十二年知府吳揭謙於府後附城

築垣與城齊以衛府治二十一年周廻城垣復

加高三尺迤北附垣增建虛臺一與北固山相

對門四東曰朝陽西曰金銀南曰虎踞來城向

北增設一小門北向日定波水關二

外縣

丹陽縣城池 祥符圖經云雲陽故城周廻五

百六十步高一丈五尺四面無壕即古簡州城

也咸淳志云周廻三里上多古木東門在斜橋



西門在縣前南門在草堰北門在觀音山代遠

傾圮元以後久廢明嘉靖三十四年倭寇內地

知縣陳奎始築內城周廻九百七十九丈徑三

百三十三丈有奇高二丈二尺下闊三丈上半

之四面各開一門上施樓櫓東曰通漕西曰望

京南曰迎薰北曰鎮湖又於通漕門之右開水

關石闌一嘉靖三十五年倭船嚴孟濱口突犯

河莊城下內地戒嚴時城既築市民遺於外者

十之七居人患其隘巡撫張景賢令於城外稍

壘土城嘉靖三十六年知縣史永壽請增築焉

建城門五座東門在麻巷小東門在運河南門

在草堰小南門在新巷北門在倉橋西門在縣

治仍其舊敵臺一座水關二座接內河跨漕渠

延袤九里壕闊八丈餘始合內外城爲一雲陽

驛先在邑內漕艘官舫悉經城外水關至晝夜

不得閉萬曆戊子知縣周應鰲深濬外隄令通

舟楫而移驛於西門外邑民便之自南迄西深

一丈五尺廣十一丈互八里

金壇縣城池 唐長壽元年築萬歲通天中甃

以甃週七百步高一丈五尺門十有一歲久湮

廢爲平地明正德壬申流賊至江上知縣董相

率衆廣之修築土城週一千二百四十二丈高

二丈下闊三丈上半之城門六東曰通吳南曰

平湖西南曰迎蹕西曰望山西北曰丹陽北曰

望潮井水關皆甃以石上各有樓下各跨壕爲

橋乙亥知縣劉天和以關基不固又改築之嘉

靖甲寅倭警知縣趙圭始甃以甃壘石爲基週

一千二百三十四丈六尺高二丈六尺爲門者

六東曰景陽南曰弘化曰興元西曰望華北曰

拱辰曰揚武外各有橋爲關者二南曰會龍北

曰會潮萬曆庚辰知縣劉美易城門興元曰文

明拱辰曰拱極揚武曰朝天萬曆乙酉知縣許

弘綱復改築雨水關高廣於昔天啓四年大水

東城圯百餘丈知縣楊錫璜修之

皇清順治三年北城圯二十餘丈知縣胡延年修之

康熙十三年以歲久多傾圮知縣康萬寧修之

十五年城西北圯二十餘丈知縣李瞻修之按

舊志隍迴城東廣二丈深一丈西廣一丈五尺

深八尺濬則周流少旱乃洞今築城後水關既

溢西壕復淺上流四十八丈之水唯賴東壕分

洩又以朝天景陽弘化三門浮橋石梁塞壕之

半故時雨則城北之水高於城南者五六尺而

歲歲被滂大加開濬尤恤民之急務也

鎮江府關梁考

本府丹徒縣附郭 府縣志合載

千秋橋 在府治西晉王恭作萬歲樓於城上

其下有橋因名千秋宋嘉定間郡守史彌堅重

建明永樂中更名永安橋弘治十四年與城南

虎踞橋俱圯知府王存中皆重建

綠水橋 在千秋橋西唐以來有之唐杜牧之

詩云青苔寺裏無鳥跡綠水橋邊多酒樓宋乾

道中郡守蔡洸重建仍舊名俗呼爲高橋明洪

方輿彙編職方典第七百二十七卷鎮江府部

武初重修更名鼎新橋弘治壬子知府鄭傑重修萬曆辛巳圯知府徐桓重建

嘉定橋 在千秋橋南舊名利民橋宋淳熙間郡守錢良臣甃以磚覆以亭邑人呼爲錢公橋嘉定初郡守復甃以石易今名俗呼鎮方橋

皇清康熙初邑人高拱斗重修

清風橋 在嘉定橋南宋景祐間郡守范希文重建俗呼爲范公橋蘇子瞻懷刁景純詩有傷心范橋水之句嘉泰開禧間郡守辛棄疾甃石長橋 在清風橋南宋嘉定乙亥重建

通濟橋 在南水門上元延祐二年守臣太平因水門舊址創建蜀楊如山記後圯至順二年重建今名南水關

虎踞橋 在虎踞門口爲郡孔道明萬曆丙子知府張純易之以木春運時撤民大不便後知府蘇兆民易以石更名泰運

迎恩橋 在金銀門外明成化己丑知府翟敬重建弘治乙卯知府鄭傑重修

鎮西橋 舊名拖板橋在今社稷壇前大曆二年廢至順二年重建明正統中侍郎周忱郡守郭濟重建太常少卿鄭雍言記

皇清康熙初邑人高拱斗重修

通阜橋 當金銀門口舊爲板橋因係衝道明

萬曆時易以石橋

程公橋 在上閘南宋嘉定前已廢

嘉泰橋 在市東紫金坊宋嘉泰間造故名俗

名眞子橋後廢重建更名中市橋

張公橋 在中市橋北舊名湯家橋柏家橋 在張公橋北

懷德橋 在綠水橋南

水碓橋 在丹陽館西

斜橋 在積善坊元名登瀛橋舊縣儒學東北

大圍橋 在乾元萬壽宮北

小圍橋 在大圍橋西大圍小圍以近江圍岸

大小名市河之水皆由此二橋出江

韓氏橋 在嘉泰橋南

染皂橋 在市南旌孝坊今刁家巷上有亭宋

嘉定中郡民重建俗呼觀音橋亭廢明正德六年楊少保家重建

火炭橋 在養濟院西

眞珠橋 在火炭橋南俗呼西橋

皇祐橋 在市南坊明初得斷碑於橋下乃宋

皇祐間所建故名

朝眞橋 在皇祐橋東南以近東觀故名

石碓橋 在元妙坊口舊橋下有石碓今廢

壩子橋 在石碓橋東舊名壩子頭里人建

折橋 在清風橋側受漕水折旋而入市河今

名小橋

新觀橋 在光孝觀西舊名社壇橋

觀東橋 在光孝觀東

七獅橋 在舊丹徒縣治西上有石狻猊七枚故名俗呼道人橋橋下有石翁仲二若道士然

利涉橋 在城西知府潘一桂建尋易以木後

甃以石又名浮橋

西園橋 在放鶴門內

關門橋 在登雲坊西城西舊有西坊門是橋

介二門間取關通之義爲名

三折橋 在關門橋北今名洪濟橋

師姑橋 在三折橋西北

紅門橋 在紅門子寨內

龔家橋 在博馬務巷

圓通橋 在唐顏山後舊名土橋

水西橋 在水西門

夢溪橋 在朱方門外水源自圓通溝入漕渠以沈內翰括居夢溪故名宋嘉泰中郡守辛棄疾重修舊呼小橋

烏盆澳橋 在嘉定橋東南

菜市橋 在市南坊舊菜市所在故名

古老橋 在清風橋東北

蘇公橋 在范公橋東南

林大師橋 在蘇公橋南林仁肇廟在橋東因

名

通吳橋 在長橋東南

臭橋 在通吳橋南

雙寨門橋 在臭橋東水源發京峴山過臭橋入長河

捲蓬橋 在欽賢門外北固山堰下

得勝橋 在朝陽門口年久傾圮順治間重建

青龍橋 在雜造局前

縣橋 在製錦坊丹徒縣治在此故名

胭脂橋 在後百禮堂今縣學西

小橋 在胭脂橋南

西城橋 在府治西宋嘉定十五年郡守趙善相建北通郡治南通餉臺官府行其上行人往來其下今廢

便民橋 在南水關外明弘治中建今爲木橋昇仙橋 在城南鶴林寺相傳緋衣杜鵑花神自橋騰空去

洗馬橋 在京口驛西唐太子洗馬陳昱建故名

金盞橋 在城西陽彭山下柳溪橋 在平等寺前今廢

東鴻鶴橋 在仁和門外俗呼孩兒橋石欄作孩兒狀故名

西鴻鶴橋 在放鶴門外香花橋 在鶴林寺前

樂昌橋 程道橋 鮑家橋 並在登雲門外

螽斯橋 在南門外土城下里人爲祈子建雙和橋 在城西運河邊邑人程可聘建

太平橋 在北水關內新察院左係木橋戴港橋 柳港橋 大港橋

蘆定橋 並在義里鄉下渚樂亭炭渚見圖經高資橋 在義里鄉元延祐五年邑人蔡杞等重建吏部主事俞庸記

皇清順治戊戌邑人重建今名東方橋觀音橋 在潤壁鎮其上有亭弘治辛酉修建上會橋 烏莫橋 並在高平鄉

馬公橋 在新豐鎮跨漕河舊爲明知縣陸夢祖建名陸公橋

皇清康熙十年傾圯里人募重建巡撫都御史馬公祐捐貲以助因易名馬公橋

永寧橋 在崇德鄉丹徒鎮跨運河康熙十九年重建

東橋 在崇德鄉內通白兔高山之水濬河須高築官壩以防山水陡發

丁卯橋 在城南三里晉元帝千哀鎮廣陵運糧出京口爲水涸奏請立球以丁卯日制可後人構橋因名唐許渾築別墅於其側渾有歸丁卯港詩明楊文襄一清有丁卯橋別業

顏洲橋 開禧橋 波查橋車村橋 黃水碓橋 並在崇德鄉

丁用鎮上下二橋 千秋橋張部橋 劉偃橋 都灣橋曲陽橋 小時橋 蕭千橋

呂家橋 萬歲橋 臥龍橋 並在洞仙鄉此鄉舊隸延陵惟丁用一橋見圖經

埠城南北二橋 寨橋 草村橋 並在平昌鄉

上塘石橋 彭橋 白露橋官塘橋 楚墓橋 大地橋

書師橋 棧岡橋 劉公橋 並在長樂鄉

西津渡 去府治九里北與瓜洲對岸舊謂之蒜山渡唐李德裕爲浙西觀察使於蒜山渡嚴勒渡邏卽今西津渡也宋乾道中郡守蔡洸置五艘以禦風濤之患各置旗一以利涉大川吉

五字爲識其受有數發有序又別浮輕舸以送郵傳遂鮮有風波之患元延祐中以總管段廷珪言增船十五官收船資以免脅勒泰定中革去濫設排岸監渡人吏尋以船資不便罷之明

正統間巡撫侍郎周忱作艦二倉木工三十餘以濟渡又甃石堤三十餘丈直抵江阜人免病涉萬曆中知縣龐時雍遇風禁渡諸船各立號限以人數懸榜立石人鮮覆溺

石公渡 在定波門外去府治九里石公山下渡江至開沙

高資東西渡 在縣西四十里東達儀真西至鐵錠橋大港渡 在大港鎮西北渡至揚州苑林村

韓橋渡 在丹徒鄉宋朱倬詩陽溪人喚漁樵動江上潮平船欲行卽此渡也

甘露港渡 唐孟浩然詩愁殺渡頭人指此焦山渡 諫壁渡 丹徒渡

柳港渡 大港渡 水東堡渡馬師橋渡 段固渡 當江渡

方輿彙編職方典第七百二十七卷鎮江府部

莫家港渡

丹陽縣

雲陽橋 在縣東漕渠上舊名清化橋俗名賢

橋宋嘉熙中劉宰重建王遂記明成化中知縣

蔡實重建弘治中濬河拆毀知縣李循重建

皇清康熙十三年復圯邑宰管承基重建

來秀橋 在儒學采芹池上

孔家橋 在草巷南市河上俗名板橋因有孔

氏所居故名宋咸淳間建明成化間重建

寺前橋 在普寧寺前市河上元至正間建明

景泰中圯成化四年里人孫思孝等重建

三思橋 又名再思橋在縣治前直街河上元

大德間重建上有偉亭

廣濟橋 在三思橋南舊名冰清橋俗呼居家

橋宋咸淳間邑人孫士元建

安鎮橋 在雙井巷南俗呼南橋宋咸淳間碑

匠胡永興建明成化中里人梅文節募鄉人重

建

太平橋 在縣治東一名廣濟又名市西橋元

泰定間建按舊志名富家橋宋寶祐甲寅邑宰

胡夢高重建故又稱胡公橋

民安橋 去縣東一里元泰定間建俗呼王家

橋即廣濟橋北妙覺寺西之橋也

紀家橋 在民安橋北去縣東一里因宋進士

紀霖所居得名元至正間重建又呼孫家橋又

名花橋 在南河上宋學士洪興祖居此故名

元泰定間重建今廢

仁智橋 在南河上北通太平橋宋咸淳間建

掩龍橋 在妙覺寺前

慶豐橋 在縣東北疑真觀西因近土地陳司

徒廟亦名土地橋宋淳熙間建

仲家橋 在慶豐橋北今廢

惠政橋 在雲陽橋右因民不病於徒涉故名

俗名斜橋明成化乙未重建弘治丁巳復建

簡橋 在簡濱上去縣南五里因晉諸姆元君

擲簡於此為橋以度許吳二真君故名明末樂

中重建

七里橋 在縣東南七里漕渠耳濱口宋元祐

中建明成化乙酉知縣蔡實復建嘉靖間知縣

來汝賢改名麥舟橋汝賢作箴序略曰橋何以

名麥舟志義也橋去邑治七里而近南受麥溪

之水會耳河東入於孟濱而麥溪也者以昔范

忠宣公遇石曼卿於此聞其三喪未舉以所載

麥舟付之以因以名也予既畢治橋之役爰易之

名亭其東隙地而為之箴以風邑人云

嘉成橋 在縣南四十里耳村鎮宋嘉定中漫

塘劉宰重建

黃堰橋 在縣南四十五里耳濱上亦各通德

橋宋咸平中建

左墓港橋 在縣南四十五里以有唐左恢墓

故名宋咸平中建嘉定間劉漫塘又建

左莊橋 因尚書左恢莊居得名 越為塘橋 在左港西宋祥符間邑人陳誠

建

忠顯橋 在越塘村後漢王廟側俗名越塘石

橋宋祥符中二橋並建按越塘為少陽陳公故

居迄今故跡依然二橋如故

寨橋 在縣北七十里

寶慶橋 在縣南三十五里大河上俗呼延陵

市石橋宋寶慶間建

望仙橋 在延陵鎮南橋畔地有名董陂及董

墓俗傳董末妻仙去之處

分金橋 在延陵鎮西又名破培或云管鮑分

金處

登雲橋 在滕村明萬曆癸未尚書姜寶建

萬年橋 在延陵縣放生池上唐貞觀中建

泰定橋 在呂城鎮漕渠上元泰定間里人龐

舜舉建舊呼為大橋

青龍橋 處落橋 俱在呂城鎮青龍以清

微觀左得名

馬林橋 在辰溪上長山八十四派水皆由此

入練湖宋嘉定間里人馬萬里建

新河橋 在縣東便民倉後九曲河口岸上

陳家橋 在倉橋南一里舊名朝陽明洪武間

僧滿繼建成化間里人任鈿重建

華店橋 在縣東十里宋景定間里人華福成

建明洪武間里人徐義重建

挽角橋 在縣東十五里挽角村後

荆村橋 在縣東十五里荆村元至元間里人

東崇文建明永樂中僧一慧重建

山城橋 在九曲河上元至正間宋崇文建

三成橋 在縣西二十里明永樂間建

蕭塘橋 在縣東二十二里蕭塘港又名顏橋

元泰定間建

東陽橋 在縣東二十八里

小利橋 在縣東三十五里小利村宋時建

博望橋 在縣東四十里博望村

曲水橋 在縣東五十里明洪武間建

龍巷橋 在曲水橋北五里明正統間包港巡

檢黎某重建

馬嘶橋 在縣東北六十里在馬嘶港上

大泊橋 在縣東北十五里大泊村元延祐間

中峯和尚建

丁橋 在縣南七十里丁橋鎮或云以丁令威

得名

下琴橋 在縣南五十里下琴村

李莊橋 在縣東南五十里李莊村

楊西橋 在縣東南四十五里楊西村丁義濱

上亦名安豐橋元至正間建

德新橋 在縣南五十里竹塘南亦名竹塘橋

先有竹塘橋三字類歐陽率更書法乃真隱孫

淑真之筆也今無

道士橋 在縣東南六十里白鶴溪上近太霄

觀故名明洪武中建

太華橋 在縣東南六十里太華村白鶴溪上

宋祥符間建明洪武中重建

開元間建

後亭橋 在歸真觀後宋祥符中建

鴻鳴橋 在延陵鎮北唐中和間建

虎溪橋 在妙果寺前明景泰中建

奈何橋 在九里廟前又名九里橋

皇甫橋 在縣東南四十里皇甫丹居此因名

蔣聖橋 在縣南七十里蔣聖村

閻塘橋 在縣南三十五里元符宮莊東

泄橋 在縣西十里以練湖蓄洩得名元泰定

間建明成化庚寅重建

花埠橋 在縣西北三十里花埠鋪明初建

楊巷橋 在縣東北五十里

劉泰橋 在縣西十里明洪武間建

吳陵橋 在縣西十五里高陵明洪武間建成

化戊子重建在吳王墓側故名

方漬橋 在縣東北十八里漕渠東岸宋皇祐

中建明永樂中重建後壞成化間以木爲之

福安橋 在縣東北大同寺前宋延祐間建

福緣橋 善慶橋 並在縣東石潭村

新橋 在便民倉側漕渠上明正統間知縣陳

諒建弘治十年知縣高謙復建

尹公橋 在縣東門外明知縣尹良任建

天寶橋 在太霄觀西宋開禧間建元時重建

芮家橋 在縣東南二十里元至元間建

西門橋 在水關外今圯

小東門橋 在東水關外

大南門橋 在大南門外

北門橋 在北門外

草堰南門橋 在草堰南門外

麻巷門橋 在麻巷門外

軍家渡 李莊渡 何家渡

周家渡 花家渡

金壇縣

觀光橋 在儒學前泮池上又名泮橋以行者

至此得瞻聖賢遺像而景仰其風度故名

去思橋 在護樓外上爲陂陀下爲石函以通

行潦相傳邑人至此則思名宦遺愛名以諷後

賢一名再思今訟者至此再思之可止卽止

三思橋 在縣前街南百步許就街心爲陂陀

下爲石函以通行潦今訟者赴縣至此三思之

文清橋 在縣治東百步舊名行香橋宋淳熙

中堯石改名惠政淳熙末知縣張佐率衆重修

端平中劉文清宰撤而新之改名端平橋後人

仰文清之風因改名文清橋俗呼新橋明嘉靖

四十四年橋圯邑人于未重建廣二十尺崇倍

之表又倍於崇兩翼以欄與表稱下峙椿木令

深密交固而後臥石爲足洞石爲門層石爲梁

清河橋 舊名安定橋宋端平中堯以石改今

名俗呼爲大橋元至正間圯邑人史俊輸千金

新之并甃東南市街明弘治中又圯知縣周楫

重修嘉靖間又圯知縣黃縉重建

鳳詔橋 澄源橋 俱在縣城內澄源廢

醋庫橋 在縣治東

鍾秀橋 在縣北三里舊名懷德橋明成化間

邑人史澄重建嘉靖中邑人于未瑩以石又名鐘橋相傳古有銅鐘流至此得名今其鐘在慈雲寺聲特洪大以爲異製云

聯秀橋 在縣北五里俗呼小橋邑人于未建鄭家橋 在丹陽門外三里武安侯鄭亨故居沈瀆橋 在縣北三里瀆口

三淹橋 松子埠橋 俱在縣北三洞鄉高湖下口橋 在縣北八里明末樂間廢爲渡弘治間縣丞毛信重建

濯纓橋 在縣北九里北通丹陽之要道舊名三里岸橋明末樂初知縣孫時重修改今名弘治癸丑知縣周楫始甃以石下爲三洞

觀龍橋 在縣西南二里舊名社橋又名顧龍明太祖經此改顧龍末樂間典史楊孟貴重修萬曆三十九年橋復圯邑人于孔兼捐貲易之以石改名觀龍自爲記

見龍橋 在顧龍山南俗呼爲九里橋明萬曆庚辰知縣劉美建自爲記

騰蛟橋 在見龍橋西明萬曆庚辰知縣劉美建自爲記

周公橋 在縣南十五里跨錢貲蕩即舊刁莊渡明弘治間知縣周楫始建木橋於上往來便之因名萬曆四十一年巡按薛貞邑人史彌史樹德助貲易以石

陳塘橋 在縣東北十五里元至正間有陳某居柘蕩出貲建橋故名
蓮渚橋 在縣東北八里北渚蕩上流東通陳

塘東北通柘蕩舊爲渡人有溺死者明萬曆三年里人湯涵春建橋以濟
皇清康熙八年其孫諸生湯勵行增築南北岸圩埂高四尺許甃石六十丈遠近便之

樂莊橋 宋紹興間有樂莊頭肇建因名思墓橋 在縣東八里地近左思墓因名舊架木爲之明萬曆間土人易以石

橫堰橋 在縣東十五里因濯漕時築橫堰於此故名
下塘橋 在縣北五里

路莊干橋 宋嘉定十五年鄉人臧實建下墟橋 在縣南一里宋紹興中李昇建

南戴莊橋 在縣南三里宋嘉定間臧實建彭公橋 在縣東五里鄉人趙禮於宋政和七年建明萬曆壬午重建因三水合流故名曰三元

通濟橋 在縣南路接濟川坊岸頭橋 在縣東南十里小墟村明成化中知縣王和重修弘治六年知縣周楫重建萬曆末圯

皇清康熙八年知縣高种之重建李異臣記

陸家莊橋 在縣東南金山鄉史莊橋 在縣東三都地有史遷莊故名

畫錦橋 在縣東八里石碑村宋紹興中建時知樞密院湯鵬舉爲浙漕邑人建是橋以榮之俱在縣東唐安鄉
許段橋 在縣東三十里堯塘村宋紹定間邑

東毛庸病延醫許傳正治之未效更延段康年用藥與許同病良已庸具金幣爲謝傳正曰某無功願歸康年康年復辭曰某所用劑不能加於許君顧病劇則其愈以漸某適當其時耳亦堅讓不受乃相與謀曰堯塘徙涉者衆曷以爲橋庸建橋因名爲許段橋劉宰爲記元至元甲午康年傳正之裔段德潛許及辰捐貲修之

大息橋 小息橋 俱在縣東三十里張巷村以上俱縣東禮智鄉

尹干橋 戴莊橋 陸家莊橋 俱在縣東南金山鄉

南洲大橋 在南洲村當白龍蕩下流之衝明弘治甲子巡檢陳用明募民蔡方等易石重建南洲小橋 在南洲埂之盡處巡檢陳用明重建

成家橋 在縣南二十里孫莊之前宋建炎間邑人成氏建歲久圯壞明崇禎十年重建

學田橋 在縣南二里近下塘村地側有府學田故名

文昌橋 在縣南三十里王母觀村東明嘉靖間建久圯

皇清康熙五年兵備僉事邑人許熙宇捐千金里人捐四百金重建

新河橋 周瀆橋 張店橋
小孃橋
紙錢標橋 在縣南三十里地近周侯廟側過者以紙錢標之因名或曰明以前東壩未築茲

地爲瀨陽江舟行至此標紙錢以祀神故名

陳師田橋 唐貞觀間建

古瀆橋 在縣南十八里長蕩湖東北宋朝散

郎陳元開瀆因建橋其上

儀龍橋 在縣南二十五里明末樂間鄉人萬

子方率衆建以石

東長橋 在縣南二十七里舊名方洛橋以上

俱縣南登榮鄉

青培橋 在三十二都縣西北四十里朝茅山

登陸之地

烏干橋 在縣西十五里元至正間邑人鄒正

叔建

史蕩橋

大亭橋 在縣西二十里

鄧恩橋 在縣西七里順治二年六月里人防

突騎往來毀之事平架以木

吳干橋 洪靈橋 在縣西十里後時干村

元至正間邑人鄒正叔並葺以石

東塘大橋 在縣西二十里大溪上元至正間

邑人鄒正叔重修明正德十五年知縣任佃重

建

皇清順治二年六月里人防遊騎衝突撤其橋三年

乃架木以通往來

定塘橋 在縣西六十里旁曰定塘故名

後陽干橋 在縣西十里舊名爲西城橋宋宣

和間邑人張原建元至正間鄒正叔易以石明

正德十一年重修

社干橋 以上俱縣西三洞鄉

大雲橋 舊爲彭期渡在縣東南四十里宜興

溧陽皆取道焉元大德間里人尹萬里築長堤

建大橋後因湖浪衝擊未久輒壞天曆中其子

輔堯以磚石行者便之

下田橋 在縣東南三十里

大林橋 在縣東南三十五里

通池橋 在縣南四十里近管莊村今各大雲

上膠橋 在縣東二十五里上膠村

曹橋 在縣東二十五里通五葉及常州

甘棠橋 在縣東三十里往常州要道

白橋 在縣東四十里宋端平間潘樞建

馬鞍橋 在縣東四十五里溧陽分界

後膠橋 在縣東五十里宜興溧陽三縣分界

潘樞建

永濟橋 在縣東南三十五里湖頭村

生塘橋 在縣東南二十里今改名尹干橋

後干橋 在縣東南四十里近後臧村今改名

葉瀆橋 在縣東南五十里橋之南即宜興界

末儲橋 在縣東南四十五里以上俱縣東南

店基橋 在縣東南五十里橋之南即宜興界

儲村橋 在縣東南四十五里以上俱縣東南

大雲鄉

紫陽橋 在縣西北三十里

西陽橋 在縣治西五十里西陽鎮

直里橋 在縣西三十五里傍直里故名

莊城橋 在縣西北三十里爲唐儲光義故居

井莊橋 在縣西三十五里

望仙橋 在縣西四十里井數丹

吳期橋 在縣北二十五里去呂墟一里

新亭橋 在縣西北四十里近陶村半里

太平橋 在縣西四十里新河村明成化七年

曹上募修

礪石橋 在城西三十五里

永思橋 舊名環壁一名北橋明邑人鄧楨鄧

揭移建以上俱縣西孝德鄉

下仗橋 在縣西四十五里近下仗村

紡車橋 下豐橋 既村橋

張橋 在城南五十里近東浦村

白塔橋 在縣西四十里其側有塔故名

印橋 在縣西南四十五里

施橋 在縣西二十五里昔有施氏居於橋側

故名

唐王橋 在縣西四十里唐王村爲二木橋又

名雙橋

順成橋 在縣西南薛埠村橋當山水之會木

植易壞宋建康通判張宗泌屬邑人重斃以石

洛公橋 在縣西四十里近唐王村

上沈橋 在南沈莊

下城橋 在縣西七十里近薛埠句容交界

許莊橋 徐二史橋

樓莊橋 在縣西四十里

蔣巷橋 在縣西三十五里

蘆培橋

楊橋 在縣西三十五里

趙莊橋 在縣西二十五里

工家埠橋

石開橋 在十八都

聖山橋 在縣西三十五里

王問橋 在縣西二十五里邢郭村

石馬橋 在縣西二十五里谿凌澗

崑崙橋 在縣西二十里三十六都邑人范崑

范崑兄弟二人建故名

後溪橋 在縣西三十里

西岡橋 在縣西三十里

板橋 以上俱縣西遊仙鄉

彭期渡 今建在大雲鄉

馬塘渡 在大雲鄉今建橋其上

蔣家渡 在縣北十里界運河東西

官戴渡 在縣北十五里跨運河接壤丹陽界

始自明初於備用項內官給造船工食七兩二

錢因名官戴嘉靖三十四年知縣趙爲造城之

資裁汰銀兩其修船募夫攢擺皆保下自備不

動庫支歷獨一應差徭軍需雜項

周家渡 在縣南十八里岳陽村西

馬口渡 在縣東十里小塘東北

龍宿渡 在縣東石牌坊北明武宗南巡宿於
橋左旅店故名今橋廢爲渡

欽定古今圖書集成方輿彙編職方典

第七百二十八卷目錄

鎮江府部彙考四

鎮江府封建考

鎮江府公署考

鎮江府學校考 書院社學附

職方典第七百二十八卷

鎮江府部彙考四

鎮江府封建考

漢

丹陽哀侯 敢江都易王非子元朔元年析封

侯於丹陽郡之丹陽縣食邑蕪湖元符元年薨

無後國除

雲陽亭侯 蔣默父橫光武時討赤眉有功以

爵被誅子九人渡江散處帝尋悟錄其後封默

雲陽亭侯

丹陽侯 馬遵永元四年以程鄉侯徙封因叔

父馬光善實憲故也安帝末初七年鄧太后詔

諸馬子孫還京師

三國吳

徐陵亭侯 華覈 吳名丹徒

雲陽亭侯 朱據字子範吳大帝黃龍元年遷

都於建業徵據尚公主乃拜左將軍封雲陽亭

侯

丹徒縣侯 桓字叔武孫河之子以功拜建武將軍封丹徒侯

丹陽侯 應建安二十四年以錄其父峻從定

荊州功封卒無子弟晞嗣侯有罪自殺國除

晉

曲阿縣公 高光先封延陵縣公食邑千八百

戶以討成都王功贈曲阿縣公

唐

丹陽郡公 包佶

宋

全壇縣開國男 張頌

丹陽郡開國侯 湯鵬舉

金壇縣開國男 湯宋彥

明

丹陽縣男 孫炎

鎮江府公署考

本府 丹徒縣附郭

府縣志合載

府治 自漢末六朝唐及五代規制皆不可考

唐元和郡縣志蔡謨謝安作鎮並于北固山上

作府庫儲軍實因山為基自譙門升踰數百級

宋至和二年郡守張昇環視公庭堦城崇峻比

按民牒語不相聞迺重建墉高培卑惟以近民

宣和中郡守虞奕又拓大之府門南嚮次為儀

門中為宣德堂先名承宣紹興間建瑞平丙申

羅兵火郡守吳淵重建兩廡為吏舍旁植井亭

中立戒石亭高閣在堂之後元延祐戊午

總管李汝楫重建近民軒在堂之東架閣庫二

公廚在東廡外舊譙樓在府門子城上端平丙

申吳淵建樓上設大秤定晝夜時刻甚準元大

德辛未樓為颶風所仆而錫壺獨存後以銅為

之宣詔頒春二亭在譙門外明洪武初郡守楊

遵即宋元舊址創造中為堂曰宣德後改名忠

愛又曰奉公左為照磨所右為經歷司吏廨列

於兩廡中為儀門外為前門門之上為層樓門

外構屋兩楹以覆版勝又外百步許為麗譙麗

譙亦宋元舊築奉公堂之後為郡守宅左前一

區為宣化坊郡吏舍則在儀門之左右後改為

寅賓館推官衙而吏舍移於檢校廢宅廣盈庫

在照磨所後架閣庫在推官衙西正統庚申奉

公堂將壓郡守郭濟改創并築旌善申明兩亭

於麗譙旁景泰壬申郡守張岩於前門之樓前

作宣化坊增承流二字於前甲戌郡守白仲賢

作后土祠於門樓內之左隆慶己巳郡守胡維

新建寅賓館三楹於祠後隙地弘治己酉八月

火堂廡蕩為一空同知周鳳鳩材鼎建徙宣德

堂少前拓奉公堂并東西吏舍一新辛亥郡守

鄭傑再建門屋五楹通加繕葺郡守王存中更

修麗譙開廣府西街正德辛未郡守羅循於譙

樓之南創闢街二左緣日精山麓至於定波門

右由萬歲嶺迤邐達千秋橋覺以甌石條成通

衢二街尋塞萬曆丙子郡守張純再闢之左曰

謠康右曰鳳凰因徙架閣庫於其地題曰萬歲藏

清軍海防廳 在承流宣化坊左明天順丁丑

同知張春即舊廣盈庫址鼎建宅在府宅之左

皇清仍舊署康熙六年移駐西城外防江創廳於新街同知吳淇建

船政同知廳 在府治右與清軍海防廳對即

舊理刑廳也康熙十年同知魯超改建

通判南廳 在譙門外之西

通判西廳 在丹陽館之西以舊丹徒驛改創

簽判廳 在城隍廟巷東初在總政所前岳珂

展爲政足園遂遷於此

馬政廳 在府治東今裁廢

糧捕通判廳 明在千秋橋西宅在府宅右

節推廳 宋建在譙樓南

察推廳 在高橋北

知錄廳 在小市北

司理廳 與知錄廳相對

節幹廳 始爲簽幕廳事之地宋淳熙中移入

府治更爲司戶廳後孫祖祐以戶曹辟爲節制

司準坐此廳繼者因仍自是司戶竟無廳宇

鈐轄廳 在譙樓之南

司法廳 與鈐轄廳相對

理刑廳 明時在承流宣化坊右

錄事司 元時建在府西卽宋通判北廳基也

至順初扁其堂曰善教今俱廢

司獄司 在府治譙樓旁今仍舊

稅課司 在大市西舊有西津丁角二務明末

樂中華其課額并入此司今廢

織染局 在仁和坊大街卽宋舊都統司衙元

至元十八年改置崇禎間廢

皇清順治四年工部織造陳議遷局於千秋橋西預

備倉內卽以舊地募民間賦稅助新工今悉佃

爲民房

雜造局 在韓氏橋南宋都統宅今堆積爲山

醫學 在阜民街明正統己未創與惠民藥局

同治成化己亥燬於火弘治己未正科錢可久

請于郡守王存申重建今悉爲民間侵占

陰陽學 在譙樓南廢

僧綱司 廢

道紀司 在元妙觀內久廢明成化甲辰都紀

魏德真建於觀之南尋廢但存遺址

丹徒縣治 宋在府治東北夾城後徙石礎橋

南製錦坊元在府治西南譙門內卽舊總領基

也明在府治之東南小市街北洪武初自舊址

遷創於此正堂南向堂西爲吏舍列於兩廡立

戒石亭於中道亭外有儀門堂外翼以兩軒延

於後堂永樂初知縣吳壽重加修繕后土祠舊

在儀門內禱雨屢應因復新之扁曰白蓮土地

歲久堂廡傾頽景泰辛未知縣蔣忠遷幕廳於

堂東改創西軒儀門左右翼以榜房作獄舍於

儀門東成化壬寅知縣楊璉遷獄於西繪耕織

樂業荷校受刑圖於壁以示勸懲闢四友亭於

公廨右弘治乙丑知縣許鳳重建大門外建坊

二日勤恤曰保愛萬曆丁酉知縣龐時雍重修

增扁曰江南第一縣立彰善癉惡碑於縣前遷

土地祠於儀門外祠前水利廳改爲寅賓館縣

正衙門東舊有旁門舊巡捕首領衙俱由東司

房後徑自東角門出易滋弊實時雍皆砌塞

縣丞廳 在縣廨左

主簿廳 在縣廨右

典史廳 在縣廨左前

察院 三並在千秋橋西東察院明正統中建

中察院成化丙戌卽丹陽舊館創建西察院在

中察院西卽明初帥府嘉靖間巡江御史改葺

總兵府 在儒林坊舊縣學址明嘉靖間建今

爲大營官房

兵備道公署 在西察院西舊寶鈔庫改置今

爲江鎮常道公署

新察院 在北水關明巡漕御史建

皇清總督察院順治甲午操江都御史李日凡建後

操江奉裁改爲總督察院在京口關外昭關下

公衙門 順治十六年大將軍劉之源統八旗

官兵駐防江海衛署爲公衙門

高資鎮巡檢司 在城西五十里高資鎮

丹徒鎮巡檢司 在鎮東港口去城東十五里

安港巡檢司 在城東九十里安港口

姜家嘴巡檢司 在藤料沙今裁

大軍倉 在治安坊

預備倉 在綠水橋西北

義儲倉 在儒林坊舊廩止五間明萬曆乙未

知縣廳時雍增建

鎮西倉 在西城外上河邊今兌漕處

丹陽縣治 宋在縣市西北廳事後有堂二前

曰德政後曰琴清軒一日近民兩廡吏舍各十

楹中爲樓戒石亭之南爲儀門門之南爲譙樓

樓之外爲亭二左曰頌春右曰宣詔淳熙丙午

宰章樾創建寶祐甲寅胡夢高重構舊有壽堂

在廳事東偏紹聖中蘇京出宰其父丞相魏國

公頌歸休於廳事東偏築堂爲壽故名兵亂焚

燬紹興十八年曾孫忠規爲令重建淳祐七年

金華楊塤爲令有母在焉又更名曰景蘇後廢

爲傳舍縣圖傍城有臺曰滄浪臺枕江湖蘇庠

張夔有詩刻於石亭二曰四照蘇魏公創暇日

讀書其中曰清涼世界令陳玠建荷池在滄浪

臺東又有練光亭在縣城東北隅湖山勝概亭

在縣城西北隅久廢元廳事頽敝至元甲午達

魯花赤忽辛尹吳叔堅撤而新之未竟而忽辛

滿代忻都繼之始克成明洪武乙亥知縣陳克

明即宋元舊署重修正堂幕廳儀門兩廡譙樓

樓外作旌善申明二亭宣德己酉知縣張友齡

重粉成化己丑知縣蔡實作榜房十二楹於儀

門左右復粉新堂爲燕休之所弘治壬戌知縣

張錦以縣後臨湖地曠帑藏屢警乃構屋二百

七十餘楹療以土垣召貧民居以衛之又置鼓

樓二於東西公私稱便

皇清仍舊治康熙辛酉邑宰吳之彥因譙樓傾圯捐俸重建規制弘敞備登臨覽眺之勝額之曰聲

遠樓又重建申明亭于邑治東

縣丞廳 宋在縣東南二里明洪武乙亥知縣

陳克明修縣治并建幕廳居東今仍舊

主簿廳 宋在縣東一里明在縣治西今仍舊

縣尉司 宋在縣治東雲陽橋南後改爲館驛

徙市河之上元泰定二年尉薛天祐重建明典

史廳在縣署東今廢每賃民房爲公署保甲苦

之

巡撫公署 明成化己丑知縣蔡實以縣東濠

溪書院廢址改創後巡撫尚書王恕榜曰都臺

弘治辛酉巡撫都御史彭禮命知縣高謙購院

左民地以開廣之築亭其旁扁曰後樂

察院 在縣治東南普濟寺西因三聖院官基

爲之明正統六年知縣陳說重建今亦頽圯

公館 在縣治西舊爲練湖書院明景泰間同

知金端重建今廢

呂城鎮巡檢司 在呂城驛東明洪武元年建

九年移置鎮東運河之濱今仍舊

包港巡檢司 在縣東七十里包港明洪武初

建二十六年移置顧巷正統九年知縣呂衡重

建今仍舊

稅課局 明在縣治東南斜橋

醫學 在縣治東即惠民藥局明洪武十七年

建保舉醫士章恆署事正統間知縣陳說呂衡

訓科蔣宗海相繼重建

皇清初爲社生占踞順治二年邑宰許宸令醫官蔣開先清出十八年邑宰王用六重建醫官何鑒

醫士賀萃徵蔣漢章倡率起造

陰陽學 在縣治東明洪武十七年令陰陽人

冷仁甫世署學事今陰陽官冷名立即其裔孫

學今廢

僧會司 在普寧寺後本邑五叢林僧人輪充

道會司 在仙臺觀今亦各觀輪充

便民倉 明正統五年巡撫周忱撥餘米委邑

宰陳說丞葛良鼎建倉廩六十餘間官廳門樓

共七間在縣治東一里漕渠東岸後移置北門

內新橋今仍舊

金壇縣治 宋建在城西北隅去今縣治後五

十餘步中爲廳事後有堂曰修己元大德三年

達魯花赤阿老瓦丁尹徐克敏重建堂之東爲

幕廳即舊冰玉堂縣西舊有冰玉堂歲久敝壞

宋景定癸亥令魏以得移建於廳事之東規制

完美有記東西兩廡爲吏舍各六楹中爲戒石

亭前爲儀門門之上爲勅書樓兩旁爲角門南

數十步爲譙樓樓北爲頌春亭舊有清修亭宋

景祐中濮陽吳中復登第仁宗賜詩其卒章訓

以清修故名尋燬于兵明洪武庚戌知縣蔡原

臣即元季舊署重建正堂而幕廳翼其左儀門

左右有旌善申明二亭正廳庚午周遠重修增

置屋二楹爲退息之所萬曆六年知縣劉美復

修譙樓外左右旁房繕以崇垣二重崇禎末燬

於土寇

皇清順治二年知縣胡延年重建正堂三間川堂二間後堂三間扁曰始基康熙十一年知縣康萬

寧重修扁曰嘉興建贊政廳三間於堂左其右建內庫一所特高厚其牆垣焉

縣丞廳 在縣東北隅今圯未建

主簿廳 在縣堂東偏今為縣丞居又一在東北隅明裁革管馬一員尋廢後管糧宅圯未建今居便民倉

典史廳 順治二年典史易象極重建在縣廳西北隅

東察院 在景陽門內百步許崇真道院之右舊為正學書院明嘉靖十八年知縣顏嘉會即其地改察院為巡按御史行臺其制正堂三間扁曰肅清前為月臺兩旁為皂隸房中為甬道又前為儀門兩旁為角門又前為大門左右為貞肅激揚二坊榜房各三間正堂後為中庭二間後堂三間左旁為廚右旁為書吏房後環以花竹週繚以棘垣凡憲臣行部者居之

西察院 在縣治東元為城隍廟明洪武三年改建正統十年重建正堂三間扁曰柏臺左右為廂房各三間前為儀門兩旁為角門又前為大門後為燕居三間弘治中知縣秦銳以其淺隘購旁地廣之堂之後建亭臺池甃以石環以花竹週繚以垣自嘉靖十八年建巡按察院于東門此院遂為兵備道之行署今圯

南察院 在縣西偏城隍廟左舊為預備倉明萬曆中改建大門三間儀門三間正堂三間川堂二間後堂三間左書房三間廚房三間右書房三間巡方按臨時推官居之今圯

府公館 在東察院西正廳三間左右廂房各三間儀門二間廳後川堂一間後堂三間茶房廚房各三間週繚以垣今圯基地尚存

縣公館 在東察院西朝北今圯

湖溪巡檢司 元在八都上嚆村明洪武三年巡檢趙珪移至湖溪西北隅弘治十八年巡檢趙用明移建水次以便盤詰今仍舊

河泊所 在縣治南三十里湖溪村明洪武中開辦總旗彭允中建萬曆六年裁革

稅課局 在縣治南明洪武三年大使劉尙忠建弘治十八年裁革

醫學 在中和坊明洪武十七年開設萬曆初改建儀門外

惠民藥局 舊在城隍廟左明嘉靖間知縣黃縉重修崇禎三年知縣劉宗詳改建三元殿移建藥局於縣治左計屋四間

陰陽學 在漕河堤上明洪武十七年開設萬曆初改建儀門外

僧會司 舊在慈雲寺今同西禪寺靈建寺延慶寺輪署司印

道會司 舊在太虛觀今同東嶽廟崇真道院城隍廟輪署司印

便民倉 明正統間知縣劉訓建於縣治北弘治壬子知縣周楫改建揚武門外水次嘉靖三十五年知縣趙圭因倭亂移入城東北隅今仍舊

鎮江府學校考 府縣志合載

本府 丹徒縣附郭

鎮江府儒學 宋太平興國八年經始在府東南朱方門外寶元初范仲淹守郡新而廣之元祐中郡守林希建成德堂五間三鱣堂六間宣和中郡守毛友又新之紹興九年厄于火郡守程邁復營治十年作學門十一年郡守劉子羽大修重建二堂元延祐初修至正中復修明郡學在定波門內郡守楊遵修成德堂從時制改曰明倫立四齋曰志道據德依仁游藝景泰壬申以學地前偏山後阻通衢外高中卑雨輒沮洳郡守張岩買民地改建學于縣治之東岩以憂去明年同知俞端繼終其役建明倫堂及四齋于山之西立儀門外門于堂之南郡守白仲賢至更建膳堂于明倫堂北號房于儀門右天順元年郡守林鸞繼成尊經閣泮池石梁公廨後郡守姚堂建鍾秀門育材坊成化十八年郡守熊祐重作學門移公廨于前還號房于後弘治八年郡守鄭傑移射圃于大成殿後樹石表于門之外作會講樓于號房之北學倉于明倫堂之左通加修葺規制完美嘉靖十四年郡守滕謐重修辛酉教授徐邦佐改建廡舍于舊儀堂之址後又改啓聖祠于日精山之東依仁齋廡于尊經閣右四十二年癸亥郡守秦淦于學之正南因岡增土名曰對山以宏其規隆慶庚午郡守胡維新重修萬曆辛巳郡守鍾庚陽重修乙酉郡守吳揭謙重修丙申郡守王應麟重

舊

舊

舊

舊

舊

舊

舊

舊

修丁酉邑令龐時雍以對山三面餘地久爲民居所侵撤其藩垣請復故址仍植松柏二千餘株

皇清明倫堂圯郡守塗廓捐貲買楊文襄一清御書樓改建明倫堂規模高敞殊勝于舊

文廟宋太平興國中郡守柳開創新於學之西紹

興九年燬于火郡守程邁復建門列戟二十四十二年郡守劉子羽作後殿三間以藏高宗賜書凡五十四軸又名御書殿嘉熙三年郡守劉復建新殿廡明景泰三年郡守張岩還學營廟于學之東首立大成殿于日精山之南岩去同知俞端立兩廡前爲戟門天順初郡守林鶚作櫺星門七年復修立新還學碑正德五年櫺星門壞郡守丘經復修立之嘉靖元年重修嘉靖九年更塑像設木主萬曆二十四年丙申郡守王應麟從訓導李天培議更新兩廡并修啓聖祠神主俱用柏木高廣其制鑄名于主陰以辨之萬曆三十九年郡守霍鎮方重修天啓五年乙丑火崇禎六年乙亥巡按御史陸捐千金重建

皇清順治十四年殿廡及內外垣牆幾近傾圮諸生捐助修葺丹雘復新康熙十一年壬子兩廡傾圯郡守高得貴修葺大門及圍牆傾廢者並重建泮水石梁於明倫堂南清華所故址立龍門一座二十年江鎮道叅議孔典洪知府高龍光從教授范總議復修兩廡大殿五間兩廡東西各十八間祭器庫即在東廡二間戟門五間兩

廡外泮池戟門外石橋跨池上櫺星門三座萬仞宮牆櫺星門外前對山石池前丈步載在石碑兩齋東西各九間舊爲志道據德依仁游藝儀門三間龍門一座舊係清華所故址學門三間在櫺星門東敬一亭舊在明倫堂後久廢未修

學田 元賜學田大率田地山蕩共計二百九十七頃有奇明初每歲學糧有千石後僅存郡守林華所置學田十頃二十九畝詳薛應旂記至明季復被侵隱今所存從新議盡歸丹徒縣徵比田租起解上司以充別項

丹徒縣儒學 舊在縣治西儒林里淮海書院旁宋崇寧以後傾圮附于郡學東隅建炎兵火與郡學俱焚紹興十七年復建乾道七年重修元延祐六年教授朱天珍建議仍建縣學于儒林坊至正乙酉蒙古答察兒監臣作明倫堂于大成殿後旁立兩齋東曰成德西曰育材作杏壇亭膳堂于堂後前爲儀門明洪武初仍舊學築觀德亭于射圃東學倉于儀門內正統乙丑燬于火教諭鄧宜等請于巡撫周忱重建天順壬午郡守姚堂鑿泮池設門廡東立儒林坊訓導徐安經理告竣景泰甲戌復加修葺成化五年丙申巡撫牟泰撤報親道院以其地建尊經閣構號房二十間弘治癸亥郡守王存忠擴地立門置坊牌二座一日德配天地一日道貫古今正德戊辰大成殿將頽郡守丘經撤而新之庚辰知縣李東建明倫堂兩齋益培基址此儒

林坊舊學之沿革也嘉靖元年提學御史蕭鳴鳳念舊學湫隘廟祀弗稱因大學士楊靳議特遷于朝陽門仁安坊壽丘山南麓即龍華寺故址堂齋門制如前堂之東建正殿兩廡櫺星門之外爲石池殿後爲尊經閣閣後爲啓聖祠作廡舍于堂之西四年乙酉訖工復創敬一亭于堂北二十二年知縣趙河修巡按御史尚維持于櫺星門外設門屏一座扁曰太和元氣分列東西爲二坊一日成德一日育材萬曆九年知縣鍾庚陽將罰鍰新之越二年知縣徐桓謂自遷學以來垂六十年科第人文迥不逮昔乃從諸生請于前後郡守暨學按使者移

先師廟于明倫堂之前位置中央廟向始整兩廡戟門櫺星門太和元氣坊屏俱隨改置鑿泮池于櫺星門內跨以石橋遷啓聖祠尊經閣敬一亭于廟舊基闢儒學門于左而明倫堂廡圍齋房庖廩悉如舊制而學制肅清崇禎五年壬申知縣張文光從訓導馮夢龍等議用堪輿家言高大翼方建龍門還尊經閣移置敬一亭九年丙子縉紳金謀自壽丘山移宗公祠于廟左尊經閣後十五年壬午知縣鄭一岳同訓導陳爾善等復修十六年教諭高應虛移學門東首數武

皇清順治十三年丙申提學僉事張能鱗允知縣張晉請倡助修學各官紳捐助外得諸生免役銀若干以新殿廡堂祠又增修石池外屏牆一座扁曰萬仞宮牆訓導朱臣率耆民戴世榮盛有

道督工成之康熙八年己酉教諭王天璧修尊經閣十一年壬子教諭談志覺石築牆重加修葺二十一年壬戌知府高龍光允教諭余潛飛訓導張機請學前設朱木柵學後山崖累石築牆以杜登踐永護學後龍脈

宋淮海書院 初在北固山鳳皇池宋淳熙中太常少卿高郵龔基先肇議創立以居淮士之避地者祕書修撰張琰工部王大亨郡守王埜李迪總領徐桌相與協成理宗御書四字賜為額元至元中為甘露寺所并元貞元年教授黃一龍重建于儒林里明初併入縣學嘉靖甲申遷學于壽丘山麓以其地改為總鎮府

濂溪書院 初在黃鶴山下宋寶祐中郡守徐桌建以祀元公有堂三齋二亭二入元為鶴林寺所并山長徐蘇孫再創于黃祐橋南大德九年改置于利涉門內花山下有元公祠燕居堂清風書院 宋范文正公嘗讀書于壽丘山明正德庚辰知縣李東即其地建書院今廢香山書院 明崇禎辛巳知縣鄭一岳仍淮海書院創建

三山書院 順治戊子知府趙士冕增修香山書院樓舍更其名集諸生較試時修文謙甲午以來為駐鎮軍府杏壇書院 在壽丘山順治丙申知縣張晉創建綠垣植杏樹數百株漸頽圯

社學 在虎踞門內通衢明正德九年知縣桂夢移建于朱方門外內河之東善濟二坊

學田 明嘉靖尚寶卿楊紹芳捐族人訟田一千二百九畝零分給府縣兩學歸丹徒縣徵比萬曆四十一年巡撫徐御史房捐銀二百五十兩委官買六都民人豐偉田三十五畝每年稅外額折米麥租銀一十三兩六釐五毫又置六都民人薛應良田四十四畝每年稅外額折米麥租銀九兩零八分各本人子孫世佃每年徵收租銀給散貧生及會計供給之用至

皇清康熙元年十月內奉學道行提本年租銀二十二兩八分六釐五毫解道賑給又因佃戶侵占抗糧隨將前項具詳本府轉詳本道歸丹徒縣一例徵比嗣後楊尚寶田一千二百九畝撫按置田七十九畝盡歸縣徵解

外縣

丹陽縣學 丹陽舊未有學宋慶曆四年依縣治東為之元豐間創成德堂建炎中堂舍俱燬紹興十三年邑宰劉長民結茅為兩廡吳芑重建成德堂乾道六年邑宰陳玠撤而新之淳熙中廢延陵縣為鎮移其舊廳事改成德堂為明德堂寶慶中邑宰趙汝驥重葺扁曰審是寶祐初邑宰胡夢高即兩廡為齋其各有六曰求仁曰好義曰隆禮曰尚信曰敬忠曰教和外有庫廩直舍採芹軒元至正間邑宰王元承重修學官規制始備明洪武中邑宰鄭士源許子英董復昌潘妥相繼修葺重構明倫堂于殿後堂左右闢兩齋曰日新曰時習儀所在堂右觀德亭教諭廨在學東訓導廨二在射圃東及學西北

泮池倉庫庖漏咸具宣德六年邑宰張友齡周志義教諭黃中協心經畫增葺創制觀昔有加焉八年邑宰包達丞陳善建崇文閣于明倫堂後以貯經籍又作學門于櫺星門東正統四年邑宰陳誼建膳堂號房邑宰呂衡教諭陳力莘續完之倉庫射圃亭膳堂臺咸具又移訓導廨舍于膳堂西移東西號房于崇文閣後成化四年邑宰蔡實廢崇文閣建明倫堂又建教諭廨舍弘治十三年邑宰高謙于泮池上造石橋三座闢行路于學官之左連接前街以便經行

嘉靖二年邑宰張惟恕重修六年邑宰張鳳翀臨學相視以河流由西直瀉于風氣非宜乃鑿渠導湖水遶學宮使曲折而出且甃石以防崩潰南面築三阜列于前為案山未幾鳳翀取為南御史邑宰谷繼宗成之十三年邑宰來汝賢于學門外建左右二坊扁曰成德達材正誼明道三十七年巡按御史尚維持重建明倫堂并齋房廨宇四十五年本府通判黃肇署縣事重建儒學門并修儀門隆慶三年本府同知馬牙掌縣事修飾明倫堂開城西水甃復引湖水遶學宮重增三阜建躍龍橋立坊識之後又修飾東西二坊扁曰聖域賢關萬曆十九年邑人姜實捐貲復泮池案山之舊建坊學門外列登俊姓名
皇清順治十七年邑宰賀應旌重建尊經閣於明倫堂後

文廟宋建炎中學宮被災獨廟未燬紹興十三

年邑宰劉長民結茅爲兩廡乾道六年邑宰陳

玠重建咸淳中主簿楊垺建大成殿元大德五

年邑宰焦簡修建至正間邑宰黃元承重修廟

制始備明洪武中邑宰鄭士源暨諸生建大成

殿戟門兩廡櫺星門文昌祠三賢堂堂始作於

宋初在縣圃以祀蘇頌陳東蘇庠嘉定間邑令

徐文度遷于學之西廡實祐五年邑令趙興懷

改建增以濂洛諸儒而易名曰衆賢未樂四年

邑宰董復昌修葺兩廡五年邑宰潘夢重修大

成殿宣德五年邑宰張友齡復建大成殿兩廡

戟門正統五年邑宰呂衡鑄銅祭器皆聖賢像

建神廚廟旁有地靈祠弘治十三年邑宰高謙

移櫺星門於泮池南礮石爲門扁曰雲路嘉靖

二年邑宰張惟恕重新之六年邑宰張鳳翀重

建三十七年巡按御史尚維持重建大成殿并

兩廡戟門四十二年邑宰李學道重建櫺星門

以石爲柱扁曰萬代宗師隆慶三年本府同知

馬牙掌縣事修飾櫺星門及左右碑亭

皇清順治十七年教諭蔣鍾重修聖殿并櫺星門康

熙十二年教諭蔣士璋重修兩廡其廟制大成

殿五間兩廡在殿前東西翼戟門在兩廡下櫺

星門三座在戟門外碑亭二在櫺星門左右泮

池在櫺星門外東西石橋二跨泮池啓聖祠三

間在戟門左

宋濂溪書院 明洪武十八年邑宰顧信創建

於學東以濂溪裔孫周壽山奉祀後改爲都察

院

皇清康熙辛酉邑宰吳之彥卽義學額今名裔孫周

煒奉祀

練湖書院 在城隍廟西邑人潘遵建明景泰

三年本府同知俞端經畫材費建爲使臣駐節

之所因濱湖故名

義學

在文昌閣右舊有堂三楹

歲給脩脯

社學 明成化六年邑宰蔡實稟提學御史陳

選市民人趙名隙地構社學於儒學東大堂兩

廡前後門屋計一十三楹開拓基址緣以週圍

牆垣數丈後移於都察院西今改爲公館

學田 宋建義士田舊在延陵鎮凡二百五十

畝建炎中學燬於兵爲昌國寺僧普成所據邑

宰蘇忠規取田還學明嘉靖十三年邑宰來汝

賢以民豐佑田七十餘畝爲學田養士在胡家

店地方隆慶三年本府同知掌縣事馬牙踏出

羅舊欺隱民田四十二畝七分一釐民地一十

五畝二分四釐五毫民塘一畝八分六釐一毫

殷士正欺隱民地塘蕩共五畝零三分九釐一

毫立爲學田今羅舊田收租貯縣殷士正田于

隆慶二年告陞科學田僅存虛額

金壇縣儒學 在縣治東始建未詳宋紹興中

邑宰李松重建朱文公書扁嘉熙中增建東西

廡及兩堂四齋堂曰修教曰集英齋曰志道曰

成德曰修身曰明義元大德三年復修至元元

年縣尹于淵建觀善堂爲教諭廳事至正三年

縣尹檀讓更修之壬辰燬于浙寇明洪武三年

知縣蔡原臣修建十五年知縣郭樹植櫺星門

二十六年知縣陳英弼重建明倫堂及兩齋曰

日新曰時敏二十九年縣丞張仕昇修葺正統

八年知縣劉訓撤明倫堂爲東齋重建明倫堂

齋堂舍宇咸加修葺成化中知縣劉觀重修知

縣張賓繼購地闢門弘治中知縣周楫泰銳相

繼修葺正德中知縣董相撤櫺星門易以石嘉

靖五年縣丞鄧繼曾重修之構堂六楹廡十二

楹堂之前爲臺臺三面爲甬道前爲崇垣闕三

門並折而東以達于外徙櫺星門于內十餘武

鑿泮池爲三石梁週遭植檜數十株十年建啓

聖祠敬一亭三十二年重修萬曆十一年重修

三十二年知縣邵應禎以學宮地左盈右縮募

地闢門于西諸生符某以居旁地助乃並櫺星

建石門扁曰義路以與左禮門等自是邑西之

人文加盛崇禎十年署縣事推官雷起劍復建

尊經閣於啓聖宮後知縣李登雲繼成之

皇清順治十一年提學僉事張能麟檄知縣趙介重

修知縣朱蒞踵成之康熙九年知縣康萬寧教

諭許允成重修十五年知縣康萬寧教諭吳正

名重建禮門義路各一楹於東西甬道

文廟在明倫堂前其廟制大殿在明倫堂前兩廡

在殿前東西翼戟門三座在正殿前櫺星門三

座在戟門前泮池舊在櫺星門內明嘉靖間移

置門外崇禎間太學生儲穀重修明倫堂五間